

EVENING GOJRI NEWS BULLETIN

9 AUG

1700 HRS

ایونینگ گو جری نیوز بلیٹن مو رخہ 9 اگست 2025

یوہ آکا شوانی جموں ہے نصرت چوہدری تے طارق ابرار تیں خبر سُنو۔

HEADLINES

- ۱۔ وزیر اعظم نریندر مودی پلکیں امرتسر تیں شری ماتا ویشنو دیوی کٹڑا گے بشکار وندے بھارت ایکسپریس گو مجازی طور ور افتتاح کریں گا۔
- ۲۔ فضائیہ گا سربراہ، ایئر چیف مارشل اے پی سنگھ نے کہیو جے آپریشن سندور گے دوران بھارت نے پاکستان گا پنج لڑاکا طیارہ مار گرایا۔
- ۳۔ کولگام مادہشت گرد مخالف آپریشن اج نوویں روز وی جاری، تے اس دوران دوفوجی جوان شہید ہو اہیں۔

- ۴۔ جموں ما منایو جارہیو ہے رکشابندھن گو تہوار۔
- ۵۔ صدر جمہوریہ تے وزیر اعظم نے رکشابندھن ور ساراں نامبارکباد دتی تے انہاں نے اتحاد تے خواتین گاحقوق ور زور دتو۔

KATRA AMRITSAR

وزیر اعظم نریندر مودی پلکیں 10 اگست نا مجازی طور ور ویڈیو کانفرنسنگ گے ذریعے شری ماتا ویشنو دیوی کٹڑا تے امرتسر گے بشکار وندے بھارت ایکسپریس ریل خدمات غو افتتاح کریں گا۔ ریلوے گا اک اعلیٰ افسر گے مطابق ریل نمبر 26406 کٹڑا تیں امرتسر تے کٹڑا واسطے چلے گی۔ یاہ ریل منگلار نا چھوڑ گے ہفتہ گے 6 دن چلے گی۔ کٹڑا تیں روانگی سویرے 6 بج گے 40 منٹ ور وے گی تے دوپہر 12 بج گے 20 منٹ ور امرتسر چلے گی۔ رستاں مانہ جموں، پٹھانکوٹ، کینٹ، جالندھر شہر، تے بیاس مانہ رُکے گی۔ واپسی مانہ ریل امرتسر تیں شام 4 بج گے 25 منٹ ور چلے گی تے رات 10 بجے کٹڑا چلے گی۔ اسی دوران شمالی ریلوے نے اج وادی کشمیر گا اننت ناگ ریلوے سٹیشن نا سامان گی آمدورفت واسطے کھول دتو ہے۔ اس فیصلہ تیں کشمیر گا کاروبار نا نوویں تے تیز رفتارسفری سہولت لبھے گی۔ یہ سٹیشن روزانہ سویرے 6 بجاتیں رات 10 بجے توڑی کھلیارہیں گا تے پٹرولیم مصنوعات گے علاوہ ہر قسم گوسامان ریل گے ذریعے بھجیا جائیں گا۔

RAILWAY RETURN JOURNEY

ریلوے نے راؤنڈ ٹرپ پیکج اسکیم نالاگو کرن گو فیصلو کیو ہے جس گے تحت واپسی گا سفر ور مسافراں نا 20 فیصدی چھوٹ دتی جائے گی۔ ریلوے گی وزارت نے اک بیان ماکہیو ہے جے اس اسکیم گے تحت چھوٹ اُس ویلے لاگو وے گی جد مسافراں گی طرفوں جان تے واپس آن گا دواں سفر واسطے اک ہی سیٹ لئی ٹکٹ بُک کیا جائیں گا۔ وزارت نے کہیو ہے اس اسکیم گے تحت بُک کرایا گیا ٹکٹاں واسطے کرایہ گی واپسی گی اجازت نہیں وے گی تے بُکنگ اس مہینہ گی 14 تاریخ تیں 13 اکتوبر توڑی ایڈوانس ریزرویشن مدت واسطے شروع وے گی۔ واپسی گا سفر گی بُکنگ گے دوران 60 دنن گی ایڈوانس بُکنگ گی مدت لاگو نہیں وے گی۔

CHIEF AIR STAFF

فضائیہ گاسربراہ، ایئر چیف مارشل اے پی سنگھ نے کہیوجے آپریشن سندور گے دوران بھارت نے پاکستان گاپنج لڑاکا طیارہ تے اک فضاء تیں نگرانی تے کنٹرول کرن آلو طیارہ نا گرایوتھو۔

بنگلورو ما 16 ویں فضائیہ چیف، ایل ایم کابے نے اپنا خطاب ما کہیوجے یہ طیارہ تقریباً 300 کلومیٹر دور تیں نشانو بنایا گیا، جہڑو ہُن توڑی گوسب تیں بڑو، زمین تیں فضا ما نشانہ گوریکارڈ سمیت کئی F16 ہے۔ انہاں نے کہیوجے شہباز جیکباد فضائیہ بیس ور مہارا میزائل حملہ ما طیاراں نا نقصان پجوبے۔ فضائیہ گاسربراہ اے پی سنگھ گے مطابق یہ حملہ منصوبہ بندی گے نال تے تریاں افواج گی مکمل ہم آہنگی ما کیا گیا۔ انہاں نے مزید کہیوجے مہارا فضائی دفاع ، سسٹم نے بازی پلٹ دتی جس گی رینج نے پاکستانی طیاراں S400 نے شاندار کم کیوبے تے نا مہارے قریب آن تیں روکیو۔

KULGAM

جموں و کشمیر گاضلع کولگام گاکھل جنگلاتی علاقہ ما جاری دہشت گردی مخالف آپریشن گے دوران شدید طور ور زخمی ہون آلا دو فوجی جوان زخماں گی تاب نہ لاتاں واں جام شہادم حاصل کر گیا۔ دہشت گردی مخالف اج نوواں دھیڑا ما داخل ہوگیو ہے۔ یوہ آپریشن اس مہینہ گی پہلی تاریخ نا شروع ہوؤ تھو۔ سری نگرما واقع چنار کارپس گافوجی ترجمان نے اپنا سوشل میڈیا ہینڈل ور شہید ہون آلا فوجیاں گی پشان لانس نائیک پریت پال سنگھ تے سپاہی ہرمیندر سنگھ گاطورور کی ہے تے ان بہادر جواناں نا خراج تحسین پیش کرتاں کہیوجے انہاں نے وطن گی حفاظت کرتاں عظیم قربانی دتی ہیں۔ پولیس ذریعاں نے دسیو جے ٹاکرا آلی جا ور کل رات تیں شدید دھماکاں تے وقفہ وقفہ نال گولی باری گو سلسلو جاری ہے کیوں جے سلامتی دستاں نے علاقہ ما مشتبہ مقامات گے آسپاس پاسیں گھیرو تنگ کردتو ہے۔ لیفٹیننٹ گورنر منوج سنہا نے گولگام مانہ جاری دہشت گرد مخالف کاروائی مانہ شہید ہون آلا بہادر فوجی اہلکار لانگ نایک پریتپال سنگھ تے سپاہی ہرمیندر سنگھ مانہ خراج عقیدت پیش کیو وزیر اعلیٰ عمر عبداللہ نے پُل چاڑ غے کولگام مانہ شہید ہوا بہادر فوجی اہلکاراں مانہ خراج تحسین پیش کیو۔

UTTARAKHAND RELIEF

اتراکھنڈ گاضلع اترکاشی گادھرا لی۔ ہرسل علاقہ مآفت تیں متاثرہ لوکاں واسطے امدادی تے بچاؤ آپریشن پوری رفتار سنگ جاری ہے مرکزی تے ریاستی سرکاری ادارو، متاثرہ لوکاں مانہ مدد فراہم کرن، لاپتہ افراد مانہ تلاش کرن تے بنیادی سہولیات بحال کرن مامصروف ہیں۔ ہُن توڑی 629 افراد نامحفوظ جگہاں ور پجایوگیو ہے۔ ریاست گادٹی جی پی، دیپم سیٹھ نے متاثرہ علاقاں گو دورو کیوتے انہاں نے کہیواس وقت آن گی سب تیں بڑی ترجیح لاپتہ لوکاں ناتلاش کرنو ہے۔ ضلع مجسٹریٹ پرشانت آریہ نے دسیو کہ ہرمتاثرہ خانداناں مانہ فوری امداد گاطورور 5 ہزار روپیہ دتا جیں گا۔ انہاں نے کہیوجے نقصان گی تفصیلی رپورٹ تیار کرن تیں بعد مزید ضروری امدادی فراہم کی جائے گی۔

RAKSHA BANDHAN

بھائی بہن گاپیارگو تہوار رکشا باندھن گو جشن اج جموں سمیت ملک بھر مانہ مناہوگیو۔ اس دھیڑا ور بہن خوبصورت لباس لاگے بھائیاں گاسجا ہتھ ور رنگین راکھی بدھے، تے اُن گی

خوشحالی، صحت تے لمبی عمر گی دعا کریں۔ شادی شدہ خواتین وی پیار تے خوشیاں سنگ اپنا میکا ماجیں۔ اس دھیڑا ور گھراں ما خوشیاں گو ماحول رہ۔ اس موقع ور بہن روایتی رسم ادا کریں تے بھائی تحفہ دے گے حفاظت گو وعدہ کریں جموں مانوجوان اس موقع ور پتنگ اڈا گے اس تہوار نانہہ منارہیاں۔ اس موقع ور صدر جمہوریہ محترمہ دروپدی مرمو، وزیر اعظم نریندر مودی تے جموں و کشمیر کا لیفٹیننٹ گورنر منوج سنہا نے عوام نانہہ مبارک باد دتی تے کہہو جے یوہ تہوار بھائی بہن گا انوکھارشتہ تے اتحاد گی علامت ہے۔

GIRLS RAKHI JAWANS

جموں گا مختلف علاقہ غی کئی کڑیاں تے خواتین نے فوج، نیم فوجی دستاں تے پولیس اہلکاراں گے نال رکشا بندھن گو تہوار منایو جہڑا اس موقع ور اپنا گھراں تیں دور ہیں۔ ایک طالبہ آکرتی شرما نے کہہو کہ دفاعی اہلکار اپنا گھراں تیں دور سرحدور ملک گی خدمت تے حفاظت کر رہیاں۔ اس واسطے مہارو فرض ہے کہ بہن کی طرح ان گے کول جاکے انہاں نا راکھی بدھاں۔ اسی طرح راجوری گی مقامی کڑی میناکشی گی کلانیاں ور راکھی بدھن گو مقصد ہے کہ وہ اس موقع ور یوہ نا محسوس کریں کہ ان گی بہن ان گے کول نہیں ہے۔ کیونجے وے اس وقت مہارا ملک گی سرحدان ور حفاظت تے سلامتی نا یقینی بنان واسطے کھلا ہیں۔

PMGSY

مرکزی زیر انتظام جموں و کشمیر نے پردھان منتر گرام سڑک یوجنا گے تحت دیہی رابطہ مانہہ شائددار کامیابی حاصل کی ہے تے تقریباً تمام منظور شدہ بستیاں توڑی سڑک پجائی ہے۔ آکاش وانی جموں گا نمائندہ گے مطابق لوک سبھا ما وزیر دیہی ترقی شیوراج سنگھ چوہان گی پیش کردہ سرکاری رپورٹ گے مطابق، پی ایم جی ایس وائی گا آغاز تیں ہن توڑی جموں کشمیر مانہہ کل 2140 بستیاں نانہہ منظور کیو گیو ہے۔ جن وچوں 2132 بستیاں نانہہ ہر موسم مانہہ چلن آلی سڑکاں تیں جوڑیو گیو ہے۔ اس طرح مجموعی کامیابی گی شرح 99 عشاریہ 6 فیصد ہو گئی ہے باقی 8 بستیاں ماکم پی ایم جی ایس وائی، فیز چار گے تحت مکمل کیاجیں گا۔ یاہ کامیابی مشکل جغرافیائی تے موسمی حالات جسراہ کہ اچا پھاڑی علاقہ، برف تیں ڈھکیاوا مقامات تے مشکل رستاں ور سڑک بنا گے یاہ کامیابی حاصل ہوئی ہے۔

GUIDELINES NATIONAL AWARDS

ادارہ برائے انتظامی اصلاحات تے عوامی شکایات نے 23 ویں قومی اعزاز برائے ای۔گورننس 2026 واسطے، اسکیم گارہنما خطوط جاری کیاجیں۔ عملہ، عوامی شکایات تے پنشن گی وزارت نے اک بیان ماکہو کہ قومی اعزاز برائے ای۔گورننس واسطے نامزدگیں اک ستمبر ور جمع کرائی جاسکیں۔ درخواست جمع کرن <http://www.nceg.gov.in> تیں ویب پورٹل گی آخری تاریخ 15 اکتوبر ہے۔ قومی اعزاز برائے ای۔گورننس ہر سال دتو جے، تانجے ای۔گورننس منصوباں ما بہترین کارکردگی کرن آلاں نا سراہیو جاسکے۔ یوہ اعزاز نمایاں کامیابیاں نانہہ تسلیم کرن، کامیاب طریقہ کار گا تبادلہ نافروغ دین تے ڈیجیٹل گورننس ما جدت نابدھان واسطے دتو جے۔

TOMATO PRICE

حکومت نے کہہو ہے جے ملک بھر ما ٹماٹر گی پرچون قیمت کسے بنیادی مانگ یا سپلائی ما توازن گابگڑن یا پیداوار گی کمی گے بجائے عارضی مقامی وجوہات نال بدھی ہیں۔

امور صارفین، خوراک تے عوامی تقسیم کاری گی وزارت نے کہیو جے جولائی گا آخری ہفتہ
تیں ملک گا شمالی تے شمال مغربی علاقیاں ما زوردار بارشاں گی وجہ نال دہلی ما ٹماٹر اں
گی قیمت 73 روپیہ فی کلو گرام توڑی پچ گئی۔ یوہ وی کہیو گیوہے جے موسم سنگ جڑی اس
رکاوٹ گی وجہ نال جولائی گا اخیر توڑی قیمتاں ما 85 روپیہ فی کلو توڑی بادھو ہوگیو۔
وزارت نے کہیو جے گزشتہ ہفتے آزاد پور منڈی ما روزانہ گی آمدگی بحالی تے استحکام گے
نال ٹماٹراں گی پرچون قیمتاں ما کمی آنو شروع ہوگئی ہے۔
